

《臺靜農先生珍藏書札一》書後

民國七十八年十一月臺伯蘭先生遷居，余為奔走。搬遷當日，先生整理故物，取與陳獨秀先生往還之書札示余，憶述舊遊，情辭眷眷，有黃壚之感也。越一載而先生卒。今歲中央研究院中國文哲研究所籌備處綴輯遺文，集獨秀先生貽先生之書札，即先生曾以示余者也。余燈下奉讀，吟成二絕，蓋悵念疇昔，嗟芴漠之窈杳，爰賦文辭，藉永歌以寄慨云爾。

其一

存歿無端意惘然·遺文觸手夜燈前·卅年憔悴龍坡夢·圓缺陰晴待問天·

其二

滄海橫流幾度新·維摩不墮散花身·而今色相重歸寂·獨掩遺編悼哲人·

鄭吉雄恭撰於 1996 年 9 月 1 日